

INUIT ATAQATIGIIT

Inatsisartuni



Dato: 02.november 2020

Inatsisartut suleriaasianni §37 imm.1 naapertorlugu Naalackersuisunut apeqqut imaattoq matumuuna saqqummiuppara.

1. Pisortaniit ikiorsiissutit pillugit inatsit atuuttut tunngavigalugit inatsisartut inatsisaat aallaavigalugu kommunini sullissisut pikkorissartinneqarnissaat sulissutigineqarniarnerpa?
2. Pikkorissartitsinerit aallartinneqassagunik qaqugu aallartinniarneqarpat?
3. Pikkorissartitsisoqarniarpat kommunini kommunit allaffiini sulisut inunnik toqqaannaq sullissisut pikkorisarfissatut amigaatigisorisaat tusarniaavigineqaqqaarlugit ingerlanneqarsinnaappat?
4. Pikkorissartitsisoqarnianggippat suna tunngavigalugu pikkorissartitsiniarnerit ingerlanneqarsinnaanginneri nassuaateqarfigineqaqqunaqaaq

(Inatsisartut medlem, Mariane Paviasen, Inuit Ataqatigiit)

Apeqquteqarnermut Tunngavilersuutit:

Ullumikkut pisortatigoortumik ikiorsiissutinut tunngasuni sullissineq atuisunit sullissisunillu kipiluttunartumik ingerlanera kommunini tamani atuuttoq tusarneqartuarpoq. Taassumallu kingunerisaannik ikiorsiissutinik tunniussisarneq pisinnaatitaaffiit naapertorlugit ilaanni puaannarneq ajorsimasooq oqaatigineqartarluni ilaannilu assigiinngitsumik inatsit paasineqarsimariarluni sullissinnerit assigiinngiiaartumik ingerlanneqartarsimanagerat inatsit ataaseq tunngaviugaluortoq tusarneqartalerluni.

Tupigisassaangitsutut isigaara inatsimmi ikiorsiissutinut tunngasut annertullutillu ilaatigut paasiuminaassinnaasarmata sullisut nersunarput oqilisaavigalugillu sullinneqartariaqarlutik.

Assersuutit taanneqarsinnaavoq ineqarnermut tapiissutinut tunngasooq paasiuminaatsinneqartarsimammata assigiinngitsumik ingerlanneqarsinnaasartoq atuisunik equinerlunnermik kinguneqartarluni.

Sullinneqartut minnerunngitsumillu sullissisut qularnanngitsumik ulluinnarni kipiluttunartorsiorneri qaangertinniarlugu tulluartaavoq sullissisunut Namminersornerullutik oqartussaniit inatsit qanoq isumaqarpiarneri qanorlu sullissisutaasussaannerinik nassuiaajartortoqarluni pikkorissaasooqartuuppat, tamanna nammineq sullissisunut oqilisaataasussaasooq nalunanngimmat, nunalu tamakkerlugu assigiimmik inatsit atuuttussaammata assigiinngitsumik sullissinerup atorunnaarnissaa anguniarlugu pikkorissaanernik ingerlatsisoqartariaqarnera innersuussutiginarpoq, sullissisuniit aamma kissaatigineqartoq ilisimaneqalereermat.

Kissaatigaara apeqqutit ullut qulit qaangiutsinnagit akineqarnissaat.